

**სსიპ - სახელმწიფო სერვისების განვითარების სააგენტოში არსებული ღია ოპერაციული
სისტემისთვის ლიცენზიების სახელმწიფო შესყიდვისთვის შექმნილი
სატენდერო კომისიის სხდომის
ოქმი №1**

27 ივნისი, 2022 წელი.

სხდომას ესწრებოდნენ:

სატენდერო კომისიის თავმჯდომარე: გიორგი ჯიჯეიშვილი.

სატენდერო კომისიის წევრები: ვლადიმერ სიჭინავა, დავით კურდღელაძე, ირაკლი სვანიძე, ნათია ხუჯაძე.

სატენდერო კომისიის აპარატის წევრი: ზაირა კუნდუხაშვილი.

შენიშვნა: სატენდერო კომისიის სხდომას არ ესწრება სატენდერო კომისიის აპარატის წევრი, ნათია დონდუა

დღის წესრიგი: სსიპ - სახელმწიფო სერვისების განვითარების სააგენტოში არსებული ღია ოპერაციული სისტემისთვის ლიცენზიების სახელმწიფო შესყიდვის განხორციელების მიზნით, ერთეულოვანი ელექტრონული ტენდერის ჩატარების შესახებ სატენდერო განცხადებისა და ელექტრონულად შევსებული სატენდერო პირობების პროექტის დამტკიცება.

მოისმინეს: სატენდერო კომისიის წევრის, ირაკლი სვანიძის გამოსვლა, რომელმაც სხდომას დასამტკიცებლად წარმოდგინა, ერთეულოვანი ელექტრონული ტენდერის ჩატარების შესახებ სატენდერო განცხადებისა და ელექტრონულად შევსებული სატენდერო პირობების პროექტი, რომლის დამტკიცების შემდგომ მოხდება მისი განთავსება სახელმწიფო შესყიდვების ერთიან ელექტრონულ სისტემაში.

„შესყიდვის ობიექტის ღირებულების დადგენის მიზნით, 4 პოტენციურ მიმწოდებელს ელ. ფოსტის მეშვეობით გაეგზავნა წინასწარი შეთავაზების წარმოდგენის მოთხოვნა, რომელსაც თან დაერთო შესყიდვის ობიექტის ტექნიკური დავალება და ფასების ცხრილი. ბაზრის კვლევისა და პოტენციურ მიმწოდებელთა გამოკითხვის შედეგად მიღებულ იქნა 3 წინადადება. სატენდერო კომისიამ იმსჯელა წარმოდგენილი შემოთავაზებების თაობაზე და მიზანშეწონილად მიიჩნია, შესყიდვის სავარაუდო ღირებულებად განისაზღვროს უმცირესი ფასი 12000.00 ლარი.

სატენდერო კომისიის თავმჯდომარემ და სატენდერო კომისიის წევრებმა მოიწონეს წარმოდგენილი ერთეულოვანი ელექტრონული ტენდერის სატენდერო განცხადებისა და ელექტრონულად შევსებული სატენდერო პირობების პროექტი.

სატენდერო კომისიამ დაადგინა:

1. დამტკიცდეს სატენდერო განცხადებისა და ელექტრონულად შევსებული სატენდერო პირობების პროექტის წარმოდგენილი ვარიანტი;
2. დამტკიცების შემდგომ, სატენდერო კომისიის აპარატმა უზრუნველყოს ერთეულოვანი ელექტრონული ტენდერის ჩატარების შესახებ წინამდებარე ოქმის, სატენდერო განცხადებისა და ელექტრონულად შევსებული სატენდერო პირობების პროექტის განთავსება სახელმწიფო შესყიდვების ერთიან ელექტრონულ სისტემაში;
3. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესის მე-6 მუხლის

მე-6 პუნქტის შესაბამისად, სატენდერო კომისიის აპარატს დაევალოს წინამდებარე ოქმის სახელმწიფო შესყიდვების ერთიან ელექტრონულ სისტემაში ატვირთვა.

4. სატენდერო კომისიის წინამდებარე საოქმო გადაწყვეტილება შეიძლება გასაჩივრდეს დავების განხილვის საბჭოში, მისი სახელმწიფო შესყიდვების ერთიან ელექტრონულ სისტემაში გამოქვეყნებიდან 10 დღის ვადაში, საჩივრის ამავე სისტემაში წარდგენის გზით, ან წინამდებარე საოქმო გადაწყვეტილების სახელმწიფო შესყიდვების ერთიან ელექტრონულ სისტემაში გამოქვეყნებიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დავით აღმაშენებლის ხეივანი №64).

შენიშვნა: სატენდერო კომისიის სხდომის ოქმზე შესრულებულია კვალიფიციური ელექტრონული ხელმოწერა სატენდერო კომისიის თავმჯდომარის, სატენდერო კომისიისა და სატენდერო კომისიის აპარატის წევრების მიერ.